

## SOULS OF MEN, WHY WILL YE SCATTER

- 1 Enevow a duz, prag 'hwandrowgh  
avel eyn a's teves own?  
Prag, kolonnow foll, y teghowgh  
d'worth kerenza marthys down?
- 2 Eza bythkweth hwekka bugel  
maga jentyl, maga hwar,  
'vel an Selwyas, neb a vynnza  
agan kuntell ha'gan kar?
- 3 Duw yth yw, y garadewder  
yw moy bras es dell omwra:  
pella es agan hunrozow  
hwekter agan Taz yth a.
- 4 Mersi Duw a syns efander  
'vel efander bras an mor;  
justis Duw a'n jeves kuvder  
gwell es franketh war neb kor.
- 5 Rag kerenza Duw yw brassa  
ages musur bryz mabden;  
kolonn Duw, a bez byz vykken,  
prest yw marthys hweg ha len.
- 6 Yn Y woez Ev re beau skullys  
daspren pals ragon a fenn;  
joy yma rag an ezeli  
yn govyjyon agan Penn.
- 7 A pe agan fydh sempella  
ni a gryssa sket dh'y er,  
ha'gan bewnans boz golowys  
awoz lok an Arludh ker.

- English words by Frederick Faber, 1854.
- Translated from English into Cornish by Ken George, 1992 Sep 12.
- Recommended tune: Cross of Jesus.